



Ig, üse Dorfmärit, bi Gschicht ..

Di 2 Froue, wo jetze 10 Jahr zu mier gluegt, mi hi offe gha u für mi u für öich, voll fröid aues hei gmacht, gö i wohlverdient Ruehestand. Si höre nid uf wiu ig nid räntiere..!

Zum Abschied ha ig no e paar Wort z säge

Eifach afe mau äs ganz hätzlechs Dankä öich aune

- de tröie Chunde für die schöne 10 Jahr
..für di schöni Zit.. für öies Lache.. für z häufe.. u ganz speziell
- de Familie vo mine beide Froue
- de Samschtig-Kafi-Chränzli.. der Morge-Kafi-Frou.. de Znüni-Lüt.. de Dorfmäritchind..
de Turischte u Wandervögu.. vo Köniz u vo nah u fern.. allne liebe Lüt wo ig ha dörfe lehre
kenne, dörfe zuelose u ne mängisch o ha chönne häufe
- de liebe Nachbarä wo ig mängisch 3 mau am Tag (sehr gärn) ha gseh..
der Gärtnerei Schneider.. am Bärestutz / Thanhalte..
EKR.. Kirchgemeinde.. Lehrerinnen.. Fürwehr..
- de Vereine, zum Bispiu am Sportclub, Männerchor, Musig, Jodler, Landfroue
- de Lieferante, dass si o üser Sonderwünsch gäng hi probiert z erfülle..
dr Bäckerei Ernst u der Chäsi Mamishaus wo notfaumässig si igsprunge.

u da hät ig o no es Danke

- a die 50 Hushaltige wo mier während Corona hi belieferet,
schad si nid so viel o nächär no bi üs Chund bliebe
- a die wo nume das zu üs si cho hole wo si uswärts vergässe hi, öppe e Würfu Hefe
- de paar Mitglieder vom Gewerbeverein wo ig hie ha g seh (si nid grad viel g si)
- o däm wo e Plasticsammelsack i Container het ta u e Hefeschnägg isch cho choufe..
- u o allne wo nie zu mier si cho ichoufe u s jetze schampar schad finde we's mi nüm git..

Mir, auso das heisst ig dr Dorfmärit, d Silvia u d Maria wünsche öich aus Guete u mir g seh üs hoffentlech bire angere Glägeheit ume mau.